



PELAJAR sekolah berpeluang mencuba peralatan sains pada program Hari Sains bersempena Expoconvo 13 di UMP Gambang, Kuantan, Pahang semalam.



PELAJAR didedahkan keadaan meminati bidang sains dalam suasana santai semasa program Hari Sains bersempena Karnival 13 di UMP Gambang, Kuantan, Pahang, semalam.

## Hari Sains Universiti Malaysia Pahang semai pelajar minat bidang sains

KUANTAN 2 Okt. - Lebih 100 murid Sekolah Kebangsaan (SK) Keratong 1 dan 2 serta SK Triang menyertai program Hari Sains yang dikendalikan penuntut Kelab In-Smartive, Universiti Malaysia Pahang (UMP) di sini.

Pengarah program, Muhammad Syahid Marzini berkata, program itu merupakan salah satu aktiviti yang

disediakan bagi memeriahkan Expoconvo 13 kali ini.

"Dalam program itu, pelajar diberi peluang menyaksikan sendiri peralatan canggih yang terdapat di makmal UMP dan secara tidak langsung dapat menyemai dan memupuk minat pelajar dalam bidang sains dan teknologi.

"Usaha ini juga diharap dapat

meningkatkan jumlah pelajar untuk menceburi bidang sains, teknologi dan kejuruteraan serta memilih universiti ini sebagai pilihan destinasi pengajian mereka nanti," katanya ketika ditemui di sini hari ini.

Tambahnya, pelajar yang menyertai program tersebut dapat merasai pengalaman baharu apabila di-

beri peluang mencipta sebuah roket air bersama mahasiswa UMP yang bertindak sebagai fasilitator.

Murid SK Keratong 1, **Nor Farhana Safial, 12**, berkata, pengalaman menyertai program sedemikian sedikit sebanyak dapat membantunya memahami bidang sains dan teknologi dengan lebih mendalam.

"Saya teruja apabila terpilih untuk menyertai program yang dianjurkan dan program itu amat menyeronokkan apatah lagi diberi peluang menggunakan peralatan sains yang terdapat di sini sekali gus mendorong saya untuk belajar lebih baik," katanya.

Bagi **Amirul Afif Abd. Jalani, 12**, kunjungan ke UMP secara tidak

langsung menyuntik semangatnya untuk mempertingkatkan lagi pembelajarannya seterusnya melanjutkan pelajaran ke institusi itu suatu hari nanti.

Dalam program itu, murid terlibat turut dibawa melawat ke sekitar kampus UMP termasuk perpustakaan, makmal, galeri dan kedai cenderamata.

Um (Pahang)  
Khamis 3/10/13 ms31